



D.o.o. „TRA“ Agencija za razvoj općine
Tešanj, Trg Alije Izetbegovića br.1
74260 Tešanj
Tel./Fax: +387 32 650 608; +387 32 650 390;
e-mail: tra@tra.ba

Broj: 203/17

Datum: 11.07.2017 .godine

ZAPISNIK

I sjednice Nadzornog odbora „TRA“ d.o.o-Agencije za razvoj općine Tešanj

Zapisnik vodio: Muamer Omahić

Prisutni članovi Nadzornog odbora Agencije

1. Fuad Šišić
2. Muharem Kruško

Odsutni:

1. Dr. Alaudin Brkić (opravdano, uz prethodnu najavu izostanka)

Prisutni :

1. Ismar Alagić, direktor Agencije TRA

Sjednica Nadzornog odbora „TRA“ d.o.o-Agencije za razvoj općine Tešanj, održana je u petak 07.07.2017.godine, sa početkom u 16:30 sati u kancelariji Agencije za razvoj općine Tešanj sa predloženim slijedećim tačkama dnevnog reda:

1. Dogovor o načinu rada NO-a TRA-Agencije za razvoj općine Tešanj
2. Plan rada TRA-Agencije za razvoj općine Tešanj za period Juli-Decembar 2017.

Nakon iznesenog prijedloga prisutni članovi Nadzornog odbora jednoglasno su prihvatili prijedlog dnevnog reda za prvu radnu sjednicu Nadzornog odbora.

Ad 1.

Predsjednik Nadzornog odbora, g-din. Fuad Šišić je iznio prijedloge o načinu rada Nadzornog odbora za naredni period. Član Nadzornog odbora, g-din. Muharem Kruško je izrazio saglasnost sa iznesenim prijedlozima. Nakon zaključene rasprave Nadzorni odbor Agencije je usvojio:

Zaključak

- Sjednice NO-a će se održavati u principu mjesečno (posljedna sedmica u mjesecu, sa početkom u 16:30h, u prostorijama Agencije).
- Trajanje sjednice je do 60 minuta (od čega do 30 minuta pripada Direktor Agencije, a do 30 minuta vremena članovima Nadzornog odbora)
- Zapisnike na sjednicama će voditi Muamer Omahić.
- Materijale za sjednicu će pripemati Direktor ili članovi Nadzornog odbora u zavisnosti od tematike tačaka dnevnog reda.

- Gosti na sjednicama mogu biti prisutni po ukazanoj potrebi.

Ad 2.

Predsjednik Nadzornog odbora Agencije otvara raspravu za drugu tačku dnevnog reda i tokom diskusije je iznio sljedeće prijedloge:

- dostaviti Statut TRA svim članovima NO-a do naredne sjednice,
- ažurirati informacije na web stranica TRA,
- dostavljeni Plan rada TRA za period Juli-Decembar obuhvata aktivnosti, ali je potrebno za narednu sjednicu pripremiti skraćeni oblik plana koji će obuhvatiti ciljeve i indikatore ciljeva,
- dostaviti organizacijsku strukturu TRA i plan finansiranja personala za period 2017-2020 sa razdjelom: sredstva iz budžeta Općine i sredstva iz drugih izvora,
- iznijeti ocjenu o saradnji sa Udruženjem privrednika Biznis-Centar Jelah-Tešanj
- uraditi informaciju i ocjenu rada OSS-a,
- informaciju o vidovima podrške za MSP-a,

G-din Kruško je podržao prethodne prijedloge i iznio stav da je trenutno najveći problem u Agenciji finansiranje rada Agencije, s obzirom da su okončani projekti iz kojih je Agencija crpila značajna finansijska sredstva za finansiranje plata uposlenika.

Direktor Alagić se osvrnuo na sve iznesene prijedloge, iznio informacije i ocjene:

- u Agenciji trenutno uposlene četiri osobe i to: Dženita Hopić kao finansijski menadžer za projekte, Muamer Omahić kao asistent i OSS službenik, Maid Suljaković, agronom i direktor Agencije. Direktor Agencije je istakao kako se do nedavno većina uposlenika finansirala iz projekata, okončanjem projekta COBEAR pomenuta situacija je izmjenjena te je do kraja godine neophodno obezbijediti finansijska sredstva za nesmetan rad Agencije prema Sistematizaciji radnih mjesta sa 4 uposlenika.
- Udruženje privrednika "Biznis centar" Jelah Tešanj bilo partner na projektu COBEAR i po osnovu učešća ostvarilo značajne koristi, a da je na inicijativu Direktora Agencije organizovan sastanak sa novoizabranim predsjednikom UO Udruženja privrednika g-dinom Edinom Jabandžićem, početkom 2017. godine, u prostorijama Agencije i da sada očekuje odziv i inicijativu Udruženja privrednika za organizacijom narednog sastanka.
- postoji odlična saradnja sa članovima UO Udruženja i da su realizovane značajane, zajedničke aktivnosti i podrške MSP-u sa najmanje 19 firmi, među kojima ističemo: Mann+Hummel BA, Madi, Subašić, OAZA, Medena Commerce, Zupčanik, TRI M Hrvić, Pobjeda, Saračević na raznim projektima realizovanim od strane Agencije.
- OSS ured uspostavljen kroz COBEAR projekat te da je napao žarišne tačke u obezbjeđenju informacija za MSP u proteklom periodu. OSS ured redovno pruža usluge i informacije na upite fizičkih i pravnih lica kao i na upite potencijalnih investitora, što je vidljivo iz izvještaja oradu. Rad OSS ureda ograničen zbog nadležnosti lokalnog nivoa i nije moguće ostvariti napretke u registraciji pravnih subjekata, bez korjenite reforme na višim nivoima vlasti.
- TRA najveću podršku MSP-u pruža na temelju informacija, koje dobija iz komunikacije sa predstavnicima firmi, anketiranja i izrade projekata na temelju iskazanih potreba MSP-a. U ranijem periodu su pružane usluge; obuke radne snage od operatera do predstavnika všnog rukovodstva, izrade prototipova, brendiranja proizvoda, podrške uvođenju međunarodnih certifikata, izrade poslovnih i marketing planova, ali i široke lepeze usluga za poljoprivredni sektor, uz napomenu da je

nastavak pružanja značajnije podrške MSP-u, u dobroj mjeri uslovljen odobrenim projektima, odnosno raspoloživim finansijskim sredstvima.

Nakon zaključene rasprave Nadzorni odbor Agencije je usvojio slijedeće:

Zaključak 1.

Zadužuje se Uprava Agencije da svim članovima Nadzornog odbora Agencije dostavi Statut TRA do naredne sjednice, te da izvrši ažuriranje web stranice Agencije sa navedenim informacijama.

Zaključak 2.

Zadužuje se Direktor TRA da za slijedeću sjednicu Nadzornog odbora pripremi skraćenu verziju plana rada za period juli –decembar 2017.godine, sa fokusom na ciljeve i indikatore.

Zaključak 3.

Zadužuje se Direktor Agencije da za slijedeću sjednicu Nadzornog odbora pripremi prijedlog organizacijske strukture Agencije i plan finansiranja iste, za period; do kraja 2017. i za period; 2017-2021. godine sa razdjelom budžeta: sredstva iz budžeta Općine i sredstva iz drugih izvora.

Zaključak 4.


Zadužuje se TRA Agencije da sagleda mogućnosti za dalje jačanje saradnje Agencije sa Udruženjem privrednika Biznis centar Jelah Tešanj.

Zaključak 5.

Zadužuje se Direktor Agencije da; za narednu sjednicu Nadzornog odbora Agencije pripremi listu podrške (specifikacija vrste usluge), koje Agencija može pružati malim i srednjim preduzećima.

Sjednica Nadzornog odbora „TRA“ d.o.o-Agencije za razvoj općine Tešanj je završena u 17:15 h.

Zapisničar :


Muamer Omahić, dipl. pravnik



Predsjednik Nadzornog odbora Agencije TRA


Fuad Šišić, dipl. ing. maš.